

## جنتى قربه

حياتى بغيابه مش حياہ  
قلبى قالها ما ليش سواه  
دنيته جنه و نعيمى معاه  
وجويا نار من غير رؤياه

ما انا كل لحظه باسـتـتـناہ  
يجينى بطيفه أدوب ويـاہ  
عاشق الروح و دويها معاه  
ازاى لو ثانيه انا أنساہ

دلوقت عايش بالذكريات  
أحلم و اعيد كل اللي فات  
ويمكن أقدر أنسى الأهات  
وهوه بكره جاى ولاّ فات

أصل أنا بحب بكل اللغات  
حفظت معہ نجوم السموات  
و بدعي له ف قلب الصلوات  
يرجع حبه و ننسى اللي فات

يميل عليا وأنا روحى فيه  
وهو حبيبي وأنا كللى ليه  
ما انا عارفه عايز منى آيه  
شوقه لحضنى يسمّى عليه

يادنيا ليه انت معندانسى  
خدنى جوا عينيه من تانى  
يعيش جوايا أيام وليالى  
وأنا جواه العمر الغالى